

## **Universitätsbibliothek Paderborn**

### **Exemplorvm Libri Tres**

Liber Tertivs, Sive Exempla Divinae Irae, Per Opera Poenitentiae, Nobis  
Leniendae - Per Qvadragesimam Anno M. DC. XLVIII. narrata

**Stengel, Georg**

**Ingolstadii, 1650**

§. 6. Puella quali sit nupta marito intellegit.

[urn:nbn:de:hbz:466:1-48194](#)

78 Cap. VI. Magi conuersus exempla divine bonit. immensitatem docetar.  
nimum appelleret ad nuptias honestiores. Sed saxe loquebatur.  
Nullum illa alium audire, nullum alium se velle, quam seruum,  
elamitabat. Quid faceret miser? Consultius indicabat, filiam  
seruo, quam morti tradere. Itaque consentit in nuptias, quam-  
uis animo multum reluctantem. Apparantur nuptiae, &, obstu-  
pescente tota ciuitate, celebrantur.

VI.

PUELLA QVA-  
E SIT NUPTA  
MARITO IN-  
TELLIGIT.

VII.

Nemo diaboli operatur, qui vult felicem negotiorum suo-  
rum exitum; non cupidus ille hominibus bene esse. Quocirca &  
puellæ illi non diu benè fuit. Multa in eius marito deprehen-  
debantur, quæ suspicionem ciebant. Inter quæ etiam fuit, quod  
numquæ videretur accedere ad sacram synaxin, immo quod sol-  
lennia officia, conciones, aliaq; quæ in templo ad diuinum cul-  
tum instituebantur, aperte declinaret. Fuerunt igitur, qui ad  
coniugem eius accederent, dicerentq;: Nostiné qualem noctis  
maritum? nempe hominem minimè Christianum. Neque enim  
quidquam facit, quod Christianum decet. Dum alij in templo  
orant, aut domi dormit, aut foris ludit, aut alicubi bibit: quod  
facere solent non nisi impietate absorpti, ac diuina nihil facien-  
tes. Hoc ubi audiuit noua nuptia, Deo impensè addicta, tum sen-  
xit, quam citò mundi gaudia in luctum conuerterentur. Siquidè  
dolore & pœnitidine plena, velut fulmine tacta in terram ceci-  
dit, cœpitq; pectus palmis tundere, comas dilacerare, genas va-  
guibus foedare, facere que omnia, quæ Mænades solent, cùm in-  
saniant, repetito identidem clamore, *Hec cur nata sum?* Aduo-  
lavit ad hunc ululatum etiam maritus, qui, intellecta questus  
causa, diu contentè negavit, id quod reuera erat, dictans ma-  
gnam esse hominum inuidiam, qui in recentia matrimonia liben-  
ter soleant discordias inseminare. Verum puella, tum se verbis  
eius credituram respondit, si facta dictis competenterent. Atque ut  
fides constaret, cras, inquietabat, mecum in templum venito, me-  
que inspectante, ad sacrum sacerdotis tribunal, atque inde ad di-  
uina mystaria sumenda accedito. Tunc enim uero oculis plus cre-  
dam, quam auribus. Hac condicione adactus, tandem, quod res-  
erat, fassus est, totamque rei seriem retexuit, pactumque cum  
Orco initum illi patefecit.

Morbo mariti percepto, innocens puella illico cucurrit ad  
verum.